

國醫小叢書之四

張鏡著

秦校刺療捷法

上海國醫書局印行

1876年



序

治疔之法。向無專書。南渡時有救急仙方。皆載瘍醫之術。所論疔瘡甚詳。惜原本與作者姓名並佚。天祿秘鈔。不可得而窺也。無專書。遂無專家。鄉曲逆旅之人。倉卒肉墳。未及延醫。誤犯口戒。每不治。即有能治之者。未得竅要。雖有明堂祕傳。安能扶危于頃刻間哉。吳門張君容亭。游于浙。得鈔本于慈谿應氏。繼于他處。得刻本二種。參攷異同。原其本。皆按經循絡。遂刪繁就簡。合為一書。前舉要言各穴。繪以總圖。治法編成歌訣。附以膏方。名曰治疔捷法。王君絨三患指疔容亭為之治。病若失。索其書。亦不祕。王君以之療人。輒效。繼增其考正穴法。願付手民。以廣其傳。而求序于余。余向不精岐黃之術。嘗讀素問諸書。間有疑義。輒為通其說。顧以舊史退居田里。生逢聖世。無補堯舜施濟之功。往往滋愧。此書一出。使黃童白叟。悉免顛連。擬之救急仙方。斯真無愧。非特余所深幸。古人亦無湮沒之憾矣。

是為序。

光緒丙子春仲德清俞樾撰

一八
又
不


刺疔捷法

吳縣張鏡蓉亭甫著

治疔要言

凡疔證發于頭面手臂者多。發于腹背下部者少。初起時一小瘰。或癢或癢而不痛。漸即腫大。急須戒口。一切魚肉葷腥煎炒發食。務要忌淨。治法先看疔之發于何處。翻閱歌訣。用小鐮刀或三棱鍼按穴輕刺。略為出血。隨以麻油和食鹽點穴上。以透泄其毒。切勿將疔頭刺破為要。即以疔膏藥隔水溫軟捏扁。貼于患處。初起二三日立見消化。無須服藥矣。如疔頭掀腫者。膏藥外用鮮菊葉搗爛塗之。即能消腫。再用菊葉搗汁服之。神效。菊花種類甚多。惟深秋開花者方可入藥。若遲誤至六七日。未食發物。尚可見效。若疔頭破爛。或食發物者。須防毒陷。難治。更或寒熱交加。務須延醫審脈定方。外內兼治矣。毒甚者先服蠟礬丸以護心包。庶免內陷之虞。

大凡疔證用藥。以清涼解毒為主。勿用散藥及羚羊角之屬。舊本雖有成方。未免雜出。刪之不錄。



手少陰心經



手少陽三焦經



足太陰脾經



足少陰腎經




手厥陰心包絡經




足厥陰肝經




足太陽膀胱經



足少陽膽經



足陽明胃經



治疔歌

鶴頂疔生督脉經宜刺百勞與天庭印堂人中與尾骶委中兩穴保安甯。
用瘡挑灸炭
清油調敷

天庭疔從尾骶刺肩井面巖百勞治插花頰車與地合中衝一穴須刺至。
天門疔刺尾骶穴肩井地倉又龍舌地合面巖與插花百勞一二至三節。
太陽生疔關衝刺百勞七節須挑至地合肩井與印堂大敦竅陰穴當誌。
前髮際疔尾閭決環跳竅陰是要穴地合百勞與曲池燕利兩穴又龍舌。
插花疔屬肝胆經髮際印堂刺甚靈百勞七節與地合竅陰大敦保安甯。
大頭疔發頭腫大急刺尾骶可安泰天庭地合與百勞中衝一決可無害。

此疔起于印堂上寸
許毒重則頭腫大

印堂疔刺尾骶穴關衝百勞人中決更刺兩額并面巖心肺火毒可療滅。
山根疔刺尾骶穴百勞挑至第四節人中地合與印堂兩額骨上亦須決。

眉中生疔肝脾熱。須刺隱白大敦穴。地合兩旁食指共。即商陽穴百勞七節與龍舌。

眉燕眉稍兩處疔。牙咬龍舌曲池經。百勞大敦與隱白。肩井一決保安甯。

上下眼胞若生疔。隱白厲兌與天庭。更尋曲池并龍舌。中衝穴與委中靈。

用鮮天南星米醋摩塗患處

鼻節疔向印堂決。百勞關衝尾閭穴。天庭地合與承漿。兩口角旁是要訣。

鼻環疔向尾骶決。百勞一節至四節。地合印堂兩頰車。關衝穴與外龍舌。

穿鼻疔須刺關衝。地合天庭地倉逢。面巖印堂與厲兌。尾閭一決即能鬆。

迎香疔刺商陽穴。合谷曲池尾骶決。地合百勞與天庭。陽明熱毒即除滅。

散笑穴疔刺尾骶。唇內齒根即斷交穴證可除。百勞關衝與地合。天庭印堂刺

即舒。

鼻尖疔向人中決。地合印堂兩龍舌。

顙骨疔刺厲兌穴小指外側少澤決內外龍舌與大敦髮際左右看分別

生左決左
生右決右

面巖疔刺厲兌穴天庭百勞兩龍舌大敦地合與印堂髮際關衝頰車決

頤疔宜從肩井刺商陽合谷曲池至

顙髎疔又名對齒小指外側少澤使合谷一穴左右分生左決左
生右決右中衝一

穴刺乃至

牙咬疔刺合谷穴手三里與曲池決疔旁上下左右刺地合中衝兩顙池

頰車疔刺合谷穴地倉少商肩井決

上反唇疔中衝決委中面巖是要穴唇內齒根名斷交印堂關衝與龍舌

下反唇疔加地合其餘俱照上反唇刺之再刺地合

人中疔刺尾閭穴斷交委中是要訣天庭地合與印堂百勞刺至第三節

吊角疔刺承漿穴十指尖與地倉決委中隱白與耳湧肩井巨骨是要訣

此疔又
名鎖井

鎖口疔刺地合穴。天庭印堂與龍舌耳湧耳垂與委中。面巖中衝是宜泄地合疔向髓骨決。承漿兩額天庭穴。中指穴根各一鍼。男左女右有分別。中指穴即中衝穴。指根在中指第三節近掌處。

耳下項疔合谷治。插花肩井面巖使再兼環跳與竅陰。百勞印堂俱宜刺。耳門疔屬三焦火。肩井合谷刺甚妥。腕後外關與關衝。中衝穴內刺亦可。耳湧疔刺合谷穴。更兼肩井又龍舌。中指穴根各一鍼。百勞七節亦須決。耳後生疔屬膀胱。肩井至陰面巖當中指穴根各一刺。百勞委中與印堂。後髮際疔刺至陰。尾骶骨上二節尋。肩井百勞委中決。數處挑泄患無侵。正對口疔屬督脉。須刺尾骶是上策。天庭地合與印堂。百勞委中可解厄。偏對口疔刺至陰。印堂尾閭委中鍼。地合百勞二節刺。膀胱毒解患無侵。用九頭蘭花根射干二味。同搗入鹽少許。貼于患處。

舌生疔心火熾中指尖頭即中衝穴須一刺百勞承漿與印堂少衝少府為

之使。

川連五分蓮心五粒煎汁敷患處效

喉內患證鎖喉癰兩少商穴刺即鬆。用鮮土牛膝一兩鮮馬蘭根一兩同搗。再用金果蘭淨末一錢毛茛菪淨

末一錢四味共搗和絞汁用鷺毛蘸汁刷入喉內吐出風痰立愈。

喉旁生證發痘後可刺少商合谷口。

肩井生疔刺龍舌後谿竅陰是要穴地合缺盆與曲池髮際印堂尾閭決

腋下生疔名挾癰肩井巨骨與少衝。

卧胸疔又名井疽中腕關元氣海居百勞三節又七節起初即刺可消除。

手掌疔生勞宮穴腕骨內關中衝決臑骨曲澤與印堂六處刺之毒自泄。

紅絲疔從脉門起先斷絲頭刺可止寸寸挑至近疔頭中衝穴與龍舌使

紅絲疔亦有從合谷發者再刺商陽穴亦有從脚上發者挑法俱先從紅絲延處當頭先刺寸寸挑至近根若有白泡須挑破之。

手槽疔生威靈穴可刺肩井與龍舌更加肘骨與曲池四處記取是要訣。

螺紋疔生大指頭。雲門尺澤有來由。○食指生疔刺合谷。曲池龍舌不須憂。○中指生疔刺曲澤。內關龍舌細推求。○無名指疔關衝刺。肩髃外關可參謀。○小指生疔刺腕骨。後谿前谷穴須搜。○初起俱將猪胆套。指根一決證可瘳。

凡手指生疔。不論何指。初起速將猪苦胆連汁。套於指上。即能消腫。或用黃連蜈蚣研末。雞子清調敷患處。○指根者即患疔之指根。第三節近掌處。如患大指。即刺大指根。餘仿此。如患食指。即刺食指根。餘仿此。

手背疔屬手少陰。腕骨外關龍舌鍼。四圍微微細鍼刺。雄黃敷解患無侵。背脊疔屬督脉經。尾骶委中百勞靈。臑骨生疔刺厲兌。膝眼委中刺無害。

湧泉穴疔百勞刺。陰谷太谿為之使。腳虎口中須一針。前後隱珠俱可治。肉龜疔生腳背上。其形似龜痛難量。急用銀針刺四圍。艾灸疔頭有無恙。

神效疔膏方

松香：二十兩

用桑柴反煎汁澄清入松香煮烟取出納冷水

百草霜：五兩

取百草霜法先須刮下篩淨研極細無聲為度樹柴烟煤無用

去油乳香：三兩

研極細

白蠟：二兩

粗末

去油沒藥：三兩

研極細

黃蠟：十兩

刮取

麻油：六兩

銅綠：五兩

過絹

篩再研無聲為度

選吉日淨室焚香齋戒修合。忌婦女雞犬及孝服人見。用桑柴火。先將麻油入鍋煎滾。次下松香。候稍滾。再下白蠟。候稍滾。再下黃蠟。候稍滾。再下乳香。候稍滾。再下沒藥。候稍滾。再下銅綠。候稍滾。再下百草霜。滾過數次。于鍋內冷透。搓成條子。丸如桂圓核大。收藏瓷器內。臨用取一丸。呵軟捏扁。切勿見火。貼于患處。頃刻止痛。次日腫消即愈。已破爛者貼之。亦可霍然。神效之速。百發百中。疔瘡藥之至寶也。

此方活人甚多。而需費無幾。務望諸善士。或合藥。或刻方。廣為施送。
費甚小。而功甚大也。○忌食葷腥煎炒辛辣沸湯大熱生冷麪食豆
腐茄子王瓜酒肉等物。

上海中醫書局最近出版醫書

經籍類

讀內經記
內經類證
內經研究之歷程考略
難經註疏
難經古義

秦伯未
秦伯未
許半龍
日本玄醫
日本藤萬卿

鉛印
鉛印
鉛印
鉛印
鉛印
平裝
平裝
平裝
平裝
一冊
一冊
一冊
一冊
一冊
六角
六角
四角五分
八角
(印刷中)

金匱類

金匱直解

程雲來

鉛印
平裝
一冊
(印刷中)

傷寒類

傷寒翼方
傷寒辨要
合刻

栗園淺田

鉛印
平裝
一冊
六角

溫熱病類

溫病賦
秦校溫疫論
秦校溫病條辨症方歌括
秦校疫痧草

姜子房
吳又可
錢文驥
陳耕道

鉛印
鉛印
鉛印
石印
平裝
平裝
平裝
本裝
一冊
一冊
一冊
一冊
二角
一角
一角
二角

上海中醫書局最近出版醫書

女科類

胎產證治

秦校胎產秘書

秦校達生編

幼科類

幼科易知錄

秦校慢驚福幼編

走馬牙疳治療奇方

喉科類

秘傳喉科十八證

秦校喉科指南重樓玉鑑

秦校喉科秘旨

李校白喉治法捷要

許校白喉忌表抉微

白喉條辨

王肯堂

錢氏

函齋居士

吳溶堂

莊一夔

滕氏

蔡鈞

鄭梅潤

吳張氏

張紹修

耐修子

陳葆善

鉛印

鉛印

鉛印

鉛印

石印

鉛印

石印

鉛印

石印

石印

石印

鉛印

平裝

平裝

平裝

平裝

本裝

平裝

本裝

平裝

本裝

本裝

本裝

平裝

一冊

一冊

一冊

一冊

一冊

一冊

一冊

一冊

一冊

一冊

一冊

一冊

二角

二角

一角

五角

一角

一角

一角

四角

三角

一角

一角

二角

上海各書外埠函購郵費加一